

ZINEMA > ELKARRIZKETA

Madriren ei zabilz ikasketak burutzen...

Bai, Madriren nabil Ikus-entzuzko Ekoizpena ikasten. Orain urtebete etorri nintzen, eta beste ikasturte bat eta gero praktikak egitea geratzen jat, ikasketak amaitutzat emoteko.

Abuztuan, baina, Abadiñora bueltatu zara lanera?

Udako hiru hilabeteak aprobetxatu ditut kide nazen taldeagaz. Banarte antzerki taldeagaz, film labur baten grabazioan burubelarri sartzeko. Oraintxe lanari azkenengo ikutuak emoten nabil, eta urriaren 3an Abadiñoko Errotan aurkeztuko dogu.

Zer falta jatzu 'El prestamo' lana amaitutzat emoteko?

Oso gitxi falta jaku; audioari eta koloreari jagokezen zuzenketak egiten nabil oraintxe. Momentu honetan, edizinoan sortu jatun zailtasun bat konpontzeko laguntzen etorri jatun lagun bategaz lanean harrapatu nauzue.

Banarte antzerki taldeagaz zer hartu-emon daukazu?

Sortu zenetik naz taldeko kide, izan be, interpretazinoa ikasten eta antzerkiaren inguruan ibili izan naz beti. Antzerkia eta film laburak egitea izan dot beti gogoko. Orain, ni Madriren bizi arren, taldea mantentzen dela eta elkarregaz lan egitea posible dela ikusteak asko poztzen nau.

Aurretik egin izan dozu film laburren zuzendari lanik?

Bai. Abuztu honean *El prestamo* grabatzen jardun dogunetako askoz elkarregaz egin izan doguz beste film labur batzuk. Kanpoko ezelako laguntzarik barik jardun dogu lan hori sortzen taldeko 25 lagunek.

Orain arteko proiekturik handiena izan da, beraz?

Zelanbait bai, lan gehien eskatu dauena izan da. Grabazioaren aurre-produkzioa Madriren lan-

du neban aurretik, eta apur bat arindu dau horrek lana. Batez be, abuztuan lan egitea izan da gatxa; kolaboratu dauen jente guztia elkartzea gatxa izan da, baina denporagaz eta dedikazinoagaz lortu egin dogu.

Emaitzagaz, beraz, oso pozik egongo zarte.

Bai, arazo batzuk eduki doguzen arren, eguraldiagaz adibidez; kanpoan grabatzea pentsatuta geukan egun baten euria egin eban, eta kostatu egin jakun gura genduenalortzea. Meteorologia jakin bat gura genduen. Halan be, lana oso ondo geratzen dabilela uste dot.

Urriaren 3an Abadiñoko Errota kultur etxean aurkeztuko dabe

"Ikasturte bat geratzen jat ikasketak amaitzeko"

'El prestamo' lan hori zuen herriko Errota kultur etxean aurkeztea berezia izango da taldekideentzat...

Herriko jenteak gure lana ikusi daian aukera izatea oso polita da. Urriaren 3an Errotan izango da. Taldekideok be han elkartuko gara berritro.

Noiztik jatortzu zinemagintzan aritzeko gustua?

Txikitatik izan dot gustuko antzerkia, eta adin batera helduta konturatu nintzen egin gura neban hori egiteko. Durangon eta inguruetan oso mugatuta nengoela. Ikasketak amaitu eta fabriketan hasi nintzen lanean, baina egun batean erabaki neban beste zerbait zela egin gura nebana.

Eta antzerkian hasi zinen...

Antzerkian zein zineman, istorioak kontatzea da gogoko dodana, istorioa bera da bitartekoa baino inportanteagoa.

"Zineman zein antzerkian, istorioak kontatzea da aspalditik gogoko dodana"

Egunotan denon ahotan den Zinemaldian ez, baina bere herriko Errota kultur etxean urriaren 3an aurkeztuko dauen film laburrari azken ikutuak emoten dabil 28 urteko **Ekaitz Elgezua** Madriren



Gustu hori bera daukien lagunak sortu zenduen Banarte.

Halan da. Zinemagazko har hori dogun lagunak elkartu, eta Banarte sortu genduen. Hortik abiatuta hasten da bat gero jente gehiago ezagutzen, honetan lanean dabilen jentea ezagutzen. Holan hasten gara denok.

"Zinema eta antzerkia gogoko dogun lagunak elkartu gara"

Zer kontatzen dau 'El prestamo' pelikularen istorioak?

Lan horren sorburuan dagoen ideia txiste bat da; irratian entzun neban behin, euro bateko mailegu bat eskatzeko bere autoa berme moduan itzi ebalabatek. Ideia horretatik tiraka sortu neban 'El prestamo'. ■ I.E.

PLATERUENA Durangoko Kafe Antzokia

www.plateruena.net

IRAILAK 25 22:00etan
SET + LINEA2
KONTZERTUA. Sarrera: 6 euro.

IRAILAK 26 22:00etan
GATIBU
Zuzeneko DVD grabazioa
KONTZERTUA. Sarrera: 8-10 euro.

URRIAK 3 22:00etan
ESTAMPIDA (Arg) + SHINOVA + BONUS TRACK
KONTZERTUA.

Eguneko menua astelehenetik larunbatera
Landako etorbidea, 4a 48200 Durango Tel.: 946 030 300

ROSAS ROJAS La Papa Teatro (Durango)

Irailak 26 20:00etan

San Agustín KULTUR GUNEA

11:51 601 07 76 Irtekalde, 14 URRIAREN

HITZ

Liburu